



Mae'r daflen hon yn dangos sut mae'r dadleuon y bu'r diwydiant tybaco a lobïwyr ysmegu yn eu defnyddio, er mwyn rhwystro neu ohirio rheoleiddio tynnach, wedi cael eu mabwysiadu gan y diwydiant alcohol i amddiffyn ei fuddiannau ei hunan. Dyma ddedoliad o ddyfyniadau, ynghyd â'r gwrthddadleuon gan academwyr ac arbenigwyr iechyd.

## Marchnata i blant a phobl ifanc

*"Yn ystod yr holl flynyddoedd rwyf wedi'u treulio gyda Philip Morris, nid wyf erioed wedi clywed neb yn siarad am farchnata i bobl ifanc."*

**Geoffrey Bible**, Prif Swyddog Gweithredol cwmni tybaco Philip Morris (1998)

*"Mae'n rhaid i ni chwalu'r chwedl hon unwaith ac am byth fod gweld marchnata alcohol yn achosi i blant yfed. Mae gan y Deyrnas Unedig rai o'r rheolau llymaf eisoes i atal marchnata alcohol i blant neu mewn ffordd a allai apelio iddyn nhw."*

**David Poley**, Prif Weithredwr Grŵp Portman (2011)

*"Mae pobl ifanc yn darged allweddol i'r hysbysebwyd alcohol. Caiff data ymchwil i'r farchnad ar bobl ifanc 15 a 16 oed eu defnyddio i lywio'r ffordd y caiff ymgyrchoedd eu datblygu a'u defnyddio, ac mae cydnabyddiaeth eglur fod diodydd penodol yn apelio i blant. Cyfeirir at Lambrini, er enghraifft, fel 'diod i blant'... Ar gyfer brandiau eraill, y nod yw creu diddordeb a meithrin teyrngarwch pobl ifanc er mwyn cadw cwsmeriaid wrth iddyn nhw aeddfedu."*

**Yr Athro Gerard Hastings** (2010)

## Hysbysebu a newid brandiau

*"Perswadio ysmygwyr cynnyrch ein cystadleuwyr i newid i un o'n brandiau ni, a meithrin teyrngarwch y rhai sydd eisoes yn ysmegu un o'n brandiau ni, yw diben [hysbysebu]"*

**R. J. Reynolds Tobacco** (1984)

*"Er mwyn dylanwadu ar ddewis brandiau cwsmeriaid, dyna'r rheswm y mae cynhyrchwyr diodydd yn hysbysebu."*

**Grŵp Portman** (2008)

*"Mae hyrwyddo alcohol...yn dylanwadu ar normau cymdeithasol, ac mae tystiolaeth sylweddol fod y rhain yn eu tro yn dylanwadu ar berthynas pobl ifanc ag alcohol. Po fwyaf cyffredin a derbynol yw yfed ym marn pobl ifanc, yn y gymdeithas ac ymysg eu cyfoedion, y mwyaf tebygol fydd hi iddynt fod yn yfwyr, a'r mwyaf fydd y symiau alcohol y byddant yn debygol o'u hyfed."*

**Cymdeithas Feddygol Prydain** (2009)

## Codi'r pris

*"[Mae codi pris sigarêts] yn gwahaniaethu yn erbyn y rhai sy'n gallu ei fforddio leiaf. Byddai codi'r dreth ar dybaco yn costio biliynau o bunnoedd i'r llywodraeth...Dywedodd y Canghellor y byddai polisi'r llywodraeth ar dybaco'n lleihau ysmegu. Nid rôl y llywodraeth yw gorfodi pobl i roi'r gorau i ysmegu."*

**Simon Clark**, Cyfarwyddwr Forest, grŵp lobiö dros ysmygwyr (2011)

*"Mae'n destun pryder fod y Llywodraeth, yng nghanol dirwasgiad, pan fydd gwerthiant ac yfed alcohol ar drai, yn sôn am godi prisiau i bob cwsmer, ar adeg pan fydd llawer eisoes yn ei chael hi'n anodd cael deupen llinyn ynghyd."*

**Jeremy Beadles**, Prif Weithredwr Cymdeithas Masnachu Gwin a Gwirodydd (2009)

*"Mae dwsinau o astudiaethau a wnaed yn y gwledydd datblygedig a datblygol wedi dangos bod prisiau alcohol yn cael effaith ar faint o alcohol sy'n cael ei yfed a'r problemau cysylltiedig, gan gynnwys cyfraddau marwolaethau, troseddu a damweiniau traffig. Mae yfwyr diodydd alcoholig yn ymateb i newidiadau ym mhrisiau alcohol, ac mae'r dystiolaeth yn awgrymu bod hyn yn wir am bob carfan o yfwyr..."*

**Yr Athro Thomas Babor et al.**



## Ymgyrchoedd codi ymwybyddiaeth gyhoeddus ac addysg wedi'u hariannu gan y diwydiant

*"Heddiw cyhoeddodd Cwmni Tybaco Lorillard fod rhaglen atal pobl ifanc rhag ysmegu wedi'i lansio ledled Prydain. Mae hyn...yn ychwanegol at yr arian y mae Lorillard a chwmnïau eraill wedi'u hymrwymo i'r... rhaglen addysgu ac atal pobl ifanc rhag ysmegu."*

**Datganiad i'r Wasg gan Gwmni Tybaco Lorillard (1999)**

*"Drwy addysg yn unig, ar y cyd ag ymyriadau wedi'u targedu yn erbyn camddefnyddwyr, y gallwn ni newid y diwylliant yfed yn y pen draw..."*

**David Poley, Prif Weithredwr Grŵp Portman (2010)**

*"Gall ymgyrchoedd addysgu sydd wedi'u hariannu gan y diwydiant alcohol gael effaith hollol groes, yn yr ystyr eu bod yn peri i'r bobl sy'n eu gweld fagu agwedd lawer mwy ffafriol at y diwydiant alcohol nag oedd ganddynt o'r blaen... Os rhywbeth, gall y fath ymgyrchoedd sydd wedi'u hariannu gan y diwydiant gael effaith negyddol... Ym maes ysmegu bu llawer mwy o ymchwil i hyn ac mae'n amlwg iawn fod ymgyrchoedd addysgu wedi'u hariannu gan y diwydiant tybaco'n gwneud i'r gwrthwyneb ddigwydd; [maen nhw'n] arwain at ragor o ysmegu ac yn sicr maen nhw'n arwain at farn lawer mwy ffafriol am y diwydiant tybaco."*

**Dr. Peter Anderson (2009)**

---

## TAFLENNI ERAILL YN Y GYFRES:

- Helpwch eich hunan – y ffeithiau am yfed gartref
- Beth sy'n wir? Chwalu'r chwedlau am yfed
- Er lles pwyl? Y negeseuon mae'r diwydiant diodydd am i chi eu clywed

Cafodd y daflen hon ei pharatoi gan Alcohol Concern Cymru.  
I gael mwy o ffeithiau am alcohol ewch i [www.yfeddoethcymru.org.uk](http://www.yfeddoethcymru.org.uk)